

INUIT ATAQATIGIIT

Inatsisartuni



Nuuk, 7. december 2017

Inatsisartut Suleriaasianni § 37 naapertorlugu apeqqutit uku Naalakkersuisunut saqqummiuppakka:

- 1. Ataatsimut radiukkut attaveqarnermi upalungaarsimanermut ilaanissaq Naalakkersuisut naatsorsuutigaat?**
- 2. Ataatsimoorussamik radiukkut attaveqarnermik atortorissaarummut ilassutissartik Naalakkersuisut qaqugu aalajangiunnissaa Naalakkersuisut naatsorsuutigaat?**
- 3. Ataatsimoorussamik radiukkut attaveqarnikkut upalungaarsimanermut Naalakkersuisut ilaassappata, tamanna qanoq akeqartussatut naatsorsuutigineqarpa?**
- 4. Ataatsimoorussamik radiukkut attaveqarnikkut atortorissaarutinituq peqaataasoqassappat arlaannik immikkut eqqarsaatigisassaqaarpa imaluunniit arlaannik immikkut isiginiagassaqaarpa?**

(Inatsisartunut ilaasortaq Aaja Chemnitz Larsen, Inuit Ataqatigiit)

Tunggavilersuut:

Kalaallit Nunaanni politiit radiukkut attaveqaatinik atortorissaarutimik pisoqalinerat pissutigalugu taarsertussaavaat. Ataatsimoorussamik radiukkut attaveqarnikkut atortorissaaruteqarnissaq pilerinartuuvoq, taamaalilluni Kalaallit Nunatsinni kalaallit qallunaallu oqartussaasui atortorissaarutimik assigiinnik atuinissamut periarfissaqaqqullugit, assersuutigalugulu ujaasinerni annaassiniarnernilu pisariinnerusumik sulisinnaaqqullugit, tassani ajunaarnersuit aamma eqqarsaatigalugit.

Politiit isumannaatsuunissaat eqqarsaatigalugu radiukkut attaveqaatinik atortorissaarutimik nutaanik pisariaqartitsineq annertuvoq nukinginnarlunilu. Taamaammat piffissaq sivosooq qaangiutsinnagu kalaallit oqartussaasui ataatsimoorussamik radiukkut attaveqaatinik atortorissaarutitigut upalungaarsimanermut ilaanissaat, tamatumaluunniit Kalaallit Nunaanni politiini pilersinneqarnissaa pillugu Naalakkersuisut nalunaaruteqarnissaat pingaaruteqartuuvoq.

Kalaallit Nunaanni politiit isumannaatsuunissaanni aamma innuttaasut toqqissisimanerat ilaavoq taamatullu radiukkut attaveqaatinik atortorissaarutimik ataatsimoorussamik pilersitsineq politiit pisariinnerusumik sulisinnaanerannik pilersitseqataassaaq, tamannalu inuiaqatigiit soqutigisaraat.

Apeqqutima ullut qulit ingerlaneranni akineqarnissaat kissaatigaara.